

## فین ثورتک ..

فین صحتک .. فین زلزالک .. على أية عملتی ثورتک .. على ظلم لسه بتعيشیه .. على قهر لسه عایشه فیه .. على فقر زادت حدته .. والا على عمر بتضعیه والا على شانک .. والا الكرامة إنک بقیتی بالبطاقة .. تاكلى وتعملی شایک .. بالبطاقة .. أنبوتک بطاقة .. تعلیمک بطاقة .. صحتک برضوا بالبطاقة .. واللى ما عنده بطاقة مالوشطاقه .. وعلیه یفتح فى جدار الرزق طاقه .. ويشیل عیاله وهم بلده بكل طاقه .. ويقطع نفس .. أصل النفس بقى بالبطاقة ..

يمكن عادلته إنک تسمحى برد السجون .. لعمیل بیهتک سترتک للعدو وعامل زبون .. يمكن عادلته تسمحى بلفظ السجون .. لمخدراتی بیخدرک من غیر لزوم .. لمخططين وملونین على کل لون .. يمكن عادلته تسمحى جوه السجون .. للى فداکى فى یوم بروحه أو عوضک نکسة سنون .. أو وقلک فى الميدان ونادى فینک یاعداله .. قمتی قلتی: أنا فى السجون ..

يمكن تكون حریتک فى معسکراتک تعظیم سلام .. الساعة کام بالتمام لابد تصحى .. والساعة کام بالتمام لازم ننام .. الساعة کام ملو الشوارع .. والساعة کام فى البيوت من غیر إمام .. واللى یقول لا یتحبس أو تقطعى عنه سبیل الطعام .. يمكن عملتی ثورتک لناس تغیر ملتک .. وعلم مالوش فى هویته .. أصل الحضارة عندهم مش فى الأصالة أو حداثة قدرته .. أصل الحضارة عندهم متسبحة جوه الكهوف .. جوه جماجم من جدار الخوف .. خایفه تضیع من صدی ألوان وطیف .. ألوان من قلب رعد الشتا .. لجل ما یحل الربیع والصیف .. من ثورتک ..

فین شبابک اللى خرج زى الطوفان .. أو کیف ما خرج یأجوج من ورا الجدران .. فین شیوخ حکمتک اللى حمى ثورتک من الفيضان .. فین وحدتک اللى فرح بیها الميدان .. فین بکره اللى أتولد .. فین فرحتک .. فین ضحکتک لما ملکتى عزتک جوه الميدان .. فین کلمتک اللى زلزلت أركان .. فین قدرته .. فین قلوب أتعلقت وتشعلت بحبل ممدود من الرحمن .. فین ثورتک ..

أکید مش هی دى همتک أو قدرته لأنى عارفک من زمان .. إنتی قادره تصنعى الحياة فى الأمل رغم الطغیان .. قادره تحققی دنیتک .. قادره ترجعی عزتک .. زى ما قدرتی زمان .. بس خوفی لتكونی من وحدتک .. فى عز شدتک .. رجعتی للغفوان .. بس خوفی لتكونی ملیتی ولأدک .. اللى مرة بتلقیهم جوه منک .. حته منک .. دابوا فیکی .. حته واحده همه وانتى .. الحياه هیه حیاتک .. والجمال منک انتی .. والسلام علیکی انتی .. یا سلام والشمس طالیه .. والکل واحد .. فى وحدتک .. ومرة واحده بینهشوکى .. بیقطعوکى .. ویبعوکى للى یدفع .. أو یزاید أو بینج .. ویسبوکى للکلاب جیفه مرمیه بمیت طریقه .. وشیخ طریقه یدعی أنه اللى قادر یرجعک حیه فى دقیقه .. والدقیقه فى الزمان ملهاش أمان .. وانتى بتنادى ولأدک .. والولاد بینهشوکى .. بس خوفی لتكونی ملیتی ولأدک .. فى عز ثورتک ...